

اوراق و مکیاب سرعبرنامه

کونده رله دی در .

اشتراک برلی :

برسنه لکی یوز ، آلتی آیلنی آلتش غروشد در .

پوسته اتحادینه داخل مملک انجینه ایچون نه لکی قرق فراقد در .

ABONNEMENT

Union Postale: un an, 40, sixmoi, 25 Fr.

REDACTION: CONSTANTINOPLE, DJAGAL OGLOU

محرر در : شمیر زاده نذولی

امیر حمیدی

محل ادارمی :

جفال اوغلنده « حکمت » اداره خانه می در .

حقه مقرون ، اغراضدن سالم افکار و مقالاته محیفه لر من آجقد در .

« MUNAKACHE »

Journal ture, quotidien, politique et littéraire

REDACTEUR EN CHEF : A.HILMY CHEHBENDER

منافسه

حقه خادم یومی غرنه در .

نسخه می ۱۰ پاره

نسخه می ۱۰ پاره

صوک خبر

عزیز و محترم ملتزم !

قدرت ایمان و حقه اطه نشان نه اولدیفنی کوسه ره جک بر کونده ز . فلاکتی مردلر کی تلقی ایدم ، تلاش و تحاشی کوسه ترمیم . وطن و ملتیمز ایچون اولمکه حاضر اولام ، لکن عاجز لر یاقیشان حالردن بوقی ایدم . قارداش لر من ! بوکون هر زماندن زیاده متانت و اخوت ، اتحاد و غیره محتاج .

دون اقسام کیجه یاریسی آزانس لر شو مششوم خبرلری تبلیغ ایتدیلر .

طرابلس ، ۲۸ ایلول — ایالتا دونائمی سواحل مزلق قارشوسنده در .

ایتالیانک اولتیا تومی

ایتالیا مصلحتگذاری طرفدن یکریمی درت ساعت ظرفنده جوابی ویرلک شرطیله طرابلس غرب و بنغازی بی ایتالیا اشغال عسکری آلتنه آله جتی جهته عثمانی حکومتی طرفدن بو ایکی خطه نلک تخلیه می طلمنی حاوی بر اولتیا توم ویرلشدر . بو اولتیا تومده حکومت عثمانیه دن مقاومت ایدیله مسمی و عکس تقدیرده قوته مراجعت ایدیله جکی و اشغالک قرقاقی بده قراراشدیریله جتی بیلدیرلشدر . اولتیا تومک ساعت تودیی زوالی ایکی بوچقد در .

هیئت وکلا

صدراعظم بو اولتیا تومی آلیر آلاز مایین هاپونه کیتمش و وکلای سائر ایله صدارت مستشاری ، اعیان و مبعوثان رئیس لر دعوت ایشدر . زوالی اوچدن سکنه قدر مذاکره ایدلش و بعد الطعام ینه مذاکره باشلامشدر . ایتالیاه ویریله جک جواب مذاکره ایدیلیور .

ویریله جک جواب

آژانس اوتومانک استخبارینه کوره عثمانی حکومتی ایتالیانک حقون پرورلکنه و دول معظمه نلک عدالتنه مراجعت و ایتالیانک منافع اقتصادی سنی نظردن دور طومایاجنی بیانه قرار ویرمشدر . اولتیا تومک جوانی ایتالیا مصلحتگذاری ویریله جک و قابل ایله روماسفر مرز بیلدیریله جکدر . هیئت وکلا مذاکره دوام ایدیور .

زیارت و محاربات

انکتره سفیری بحریه ناظرینی زیارت ایتدیکی کی خارجی قلم مخصوص مدیری آلمانیا سفارتخانه سه اعزام ایدایش و دیگر سفارتلرله تطامی افکار ایدلشدر .

بو کونکی اتحاد اسلام : فلاکت آرقداشلی دیمکدر .

بعض ذوات ، کثلات اسلامیه دن بحث ایتدیکمز ، حسیات اسلامیه بر قوت حالتده کوردیکمز و یا خود کوردکر مزی سوله دیکمز ایچین بزی تخطئه ایدیور . حسیی بونلردن منقدین سیاسی بی مراد ایدیوروز ، یوقسه اسلامیت و حتی بو وطنله علاقیمی اولمایان اجیرلرک محمات بی قیمتی دکل .

لکن حق ، نه قابل اخفا ونده قابل امحا اولمادیفندن بزی تویسخ و تقییح ایدنلر بیله یکریمی دورت ساعت فاصله ایله اوچوز میلیونلک کتله دن ، حسیات اسلامیه دن بحث ایتلک اضطرارنده قالدیلر . بو کونکی « اتحاد اسلام » قرون وسطی ده کی فکرلر عینی دکلدر ، بو کونکی اتحاد اسلام ، فلاکت آرقداشلی در ، فلاکتده مشترک اولانلرک یکدیگرینه قارشی بالضروره حس ایدم جکری اخوت وامل تعاوندن ، امید تعالی بی متضمن بر تسلیدن عبارتدر . بو کونکی اتحاد اسلام ، ظالم انسانلرک بیله مظلوملره جوق کورمه جکی برشی ، چونکه : بر « آئین » ، بر « حق حیات طلمی » در .

مسلمانلر یاشامق ایستور ؛ مسلمانلر ، بار حیالک عوض طبعیمی اولان سعادتدن مشروع بر حصه ایستور . ایشه بو کونکی اتحاد اسلام .

هیچ مظلومه صوص ، محقوره راضی اول ، محکومه کول ، سفله اغلاما دینلیری ؛ هیچ منکوبلر امیددن ، مأیوسلر فریاددن منع ایدیله بیلیری ؛ ایشه بو کونکی اتحاد اسلام . بو فکر ، بالکنز حق حیاتی طلبدن ، مقدس حقوق بشری طلبدن عبارت اولوب صوبالرله دنیایی فتح ایتلک ، ادیان و انسانه تعرض ایله مک کی یالکنز اسلامیت دشمنی سفیل دماغلرک فرض وطن ایتدیکی طفلانه امللر دکلدر . « ژون تورک » مدیر سیاسی جلال نوری بک اقدی برادر مزلک بر مقاله می ، مقدس املمزلک بر صفحه می بک کوزل مصور اولدینی ایچین قارنلر مزلک انتظار استفاده سه قویقی ایسته دک :

تشکیلاته قارشی تشکیلات

« زوالی ایتالیا » نه قدر مستملکه ایدنلک تشبته بولونوبورسه ، اوقدرده بدیخقلره طالعسلرلکله تصادف ایدیور ، چونکه اوروپای اولمایان و مسلمان اولان عناصره قارشی قوللانه جنی جدیت اداره می بک اهمیتیز تلقی ایدیور . بونون عالم اسلام ، اوروپالیرک بر اتحاد و کفالت متسلله ایله اسلامیتک اسارت مطاقه انته کچسنه و صوک حکومت اسلامیه نلک اسباب سقوط واضه خلالتی استحضارلرینه قش ،

لا قید برانتظارده قلامز ؛ کندیلرینک ده بمقصده مقابل اتخاذ ایدم جکری فریضه اتحاد ایهه بویوک بر قوت اولاجقد در . وطنی و املاکی مصادره و ضبط ایدلش ، حیاتلری براسارت مؤبدیه محکوم ، ظلم و اعتساف التده ایلکین بومیلونلرله موجودیت کندی حسیات وجدانیه لرندن اقتباس نفوذ و قوت ایدم جکدر ؛ مستملکه صاحب لیرنک تضییقات جبارانه می ، اونلری ، مقاومت ، استعمال قوته ، نهایت عصیان مشروعه مجبور ایدم جکدر . مثلاً ، ایرانلیر ، روس و انگلیز استیلا سه قارشی ، بزی اونلردن تفریق ایدن ، بونون اختلافات مذهبی بی همان اونودی ویرمشدر . اوروپا ایهه اسلاملره ایتدیکی تحیر و تحکمله اونلرک روح شریقلر ، روح و حیت اسلامیه لر بی تحریک و تسییح ایتلشدر .

مع التأسف که مدنی اوروپا اصول تمدن هوسنده دکلدر ؛ بالعکس حاکم بولندیفنی یرلی اقوامه نشر تمدن و اتباهدن قنا حالده قورقویور ... چونکه برکون ، بونلر کندی نکبت و ادبارلری احضار ایدم جکندن احتراز ایدیور .

اوروپا ، فکر و محافظه « حقوق » ی اوقدر جهد و غیرتله نشر و تعمیمه چالشدیفنی حالده کندی حوزه وجودی خارجنده ، مع التأسف بواساس قدسی بی ، ایاقلر آلتنه المقدن چکینمیور . فرانسه نلک فکر استیلا سه بیرواولان و احتمال که بویوک بریتانیا طرفدن تشجیع ایدیلان ایتالیانک بوجرانی اوداعای شیه سز عمو دکافی بر سبب ظاهری در .

بوایشلرک ، بونخا و لزلک اوکنده بر هیئت مظلومه و مقدوره نه یامالی در ؟

شیه سز بومر حتمیز و اعتسافکارانه تعرضه قارشی موفق اولمق ایچین حاضر لائمالیدر . بوعالم ، بوعالم اسلام ، آرتق عصر اخیرک بیلدیردیکی کی دکلدر ؛ فنون غربیه — اوروپالیرک استرقابنه رغماً — بونون تأثیراتی اویحیطه انفاذ ایدم بیلشدر ؛ اونلر ، اوروپانک افکارلری بک یاقیندن کورمش واکلامشدر . اوروپالیر یکدیگرینه اولان تصاحب مشترک لریله خبی برلر آلدی ؛ فقط اسلاملر ده دینا دکل اجتماعده آوز و بالیرک کندیلرینک محب و خیر خواهی اولمادیفنی ایجه کلا دی . ایتالیالیرک طرابلس غربده کی خدعه و تسویلاتی محضه شرقده ، افریقا ده ، آسیاده بویوک بر تأثیر حصوله کتیرم جکدر . بو حادثات تعرضله چیرینان قبلر بوندن صوکر ا قولای قولای استیلایه مساعده ایتیه جکدر

احتمال بر دور جدیدک ابتداسنده بولونیوروز ، احتمال بو مستملکه اصولی ، بوسلطت اقتصادی دوام ایدر ؛ فقط اوروپا خارجنده کی محیط ، بو حقیقت بونودورونی انته کیرمکدن چکینه جکدر .

یکرمنجی عصرک افکار نخبیه صلحپورانه می ، افکار اجتماعیه نلک تأثیرات مشفقیه سایه سنده صاحب مساج ، بوسلطت لک قریلدیفنی ، دوکولدیکنی کوره جک ؛ یکرمنجی عصر شودقیقه ده حل فعالیتده بولونان بو احتراساتک محو عمو میسنه ده کوره جکدر . استقبال ملنرکدر واونلره عائددر . اوله ایهه : اوت اوله ایهه بو محیط بشر اوقاخلری ، اوقاضلری او حریص جدالولری ارا لردن دفع ایدم جک .. طرد ایدم جک و بونون بونلر عالم اسلامی نمون ایدم جکدر .

اسلامیت و تورکیا ، اوروپا پیشوالیرنک ایتالیانک تسویلاتی علپنده ایتدکری اعتراض شدید قارشی فوق العاده منتشر قالاچقلردر . مختلف تشکیلات اجتماعیه لر بیللمی درلرک ، اسلامیت بر دین و بر اعتقاد دکلدر . او ، بشرینک ایتیده برستی قوجاقلایان بر « رابطه اجتماعیه » در . تورک ، بربر ، عرب ، اسلاو ، ایران ، موغول ، هند ، چین الخ بونون بونلر سایه اسلامیتده اجتماعاً یکدیگرینه مربوط بر هیئت متحده در . بناء علیه ، ذی نفوذ و پیشوا حکومت معظمه ایچون اسلامیت بر خیزنه دن عبارتدر .

فقط بو محیط متقدمیه بویوشوایان غربیه بوموضوعه می لایق اولدیفنی درجه ده تفسیر و ابضاح ایتلک بورجدر . بوایکی محیطی ظلمه و اعتسافه قارشی جهادلرنده ، سلطنت لرنده ، تسلیحاتنده یکدیگرینه قریب ایچون متغیله در ، پیشدارلره اسلامیت حقدده اسباع حقیقت ایچون یکی بر اثرله ایفای وظیفه ایدم جکدر .

یاشای قدس امل یاشا ! یاشای روح امید یاشا ! بزم جائز سنسک ، بزم جائز سنسک ، بزم ایمانز سنسک ، ای قارا کونلر مزلک نور تسلیسی ، ای بزم هاتف « واعتصموا ... نلک ابدی تجلیسی ، ای اتحاد ! یوزبیک یاشا !

شهبندرزاده قله می

احمد حمیدی

شون مجله

اعیان و مبعوثانک اجتماعی

و مصیب برقرار

دون در سعادتده بولسان مبعوثان مجلس

مبعوثان هیئت عمو میسه صالونه اجتماع

ایشلشدر .

ساعت الافراقه بر بچقد مذاکره ایتدیلر

ایدلش و بر مدت احوال حاضرده حقدده

مذاکرات جریاندن صکره قره می مبعوث

مجدی اقدی احوال حاضرده نلک و باخصوص

طرابلس غرب مسائلتک و خامشندن دور

ودراز بحث ایدرک مجلسک بهمه حال تشرین

اول ابتداسنده اجتماعی لزومنی درمیان

ایشلشدر . مبعوثلردن بعضاری مجلسک وقتدن

اول اجتماعنده بر فائده مأمول اولمادیفنی بیان

ایشلر ایهده دره مبعوثی اسماعیل حق پاشانک مجلسک بر آن اول اجتماعی حقدده کی بیانانلری عموماً تصویب ایدلش و قسطنطونی مبعوثی اسماعیل ماهر اقدینک (طوبلانلم) لکن بر مرزله مجادله ایتلک اوزره دکل وطنه خدمت ایتلک اوزره هان یارین طوبلانلم) بولندکی افاداتی حاضرین طرفدن عموماً تصویب ایدلشدر .

مجلس اعیان دائره سنده اعیاندن یکریمی یدی ذات بولنقدلر ایدی ایهده مبعوثانک مذاکراتلرینه ، بویاده حائر صلاحیت اولد .

قارندن بختله ، اشتراک ایتامشلردر . مالیه ناظری نائل بک حال اجتماعده بولونان مبعوثان کرامه قایینه نلک دخی مجلسک بر آن اول کشادنی آرزو ایدلکنی ورئیس احمد رضا بکک طشرده بولونان سکسکی متجاوز

مبعوثلردن اجتماعک تریینه دائر تا تفر افتاملر

وارد اولدیفنی بیان ایلری اوزرینه حاضر

بولونان مبعوثان کرام عموماً مجلسک بر آن

اول کشادنی فرمان بیورمی خصوصنک

ذات حضرت پادشاهیدن رئیس احمد رضا

بک واسطه سیله استرحاضه قرار ویرمشلردر .

ساعت اوچ بچقد احمد رضا بک سرای

هایونه عزیمت ایتشدر . احمد رضا بکک

سرایه عزیمتی متعاقب مبعوثاندن بعضاری

طاغیلملشر آیهده اکثریت رضا بکک

مراجعندن حاصل اوله جتی نتیجه بی اکلامق

اوزره انتظار ایشلر وذات پادشاهینک

مجلسک تشرین اول ابتداسنده اجتماعه

مساعده بیوردقلری اکلاشله می اوزرینه

طاغیلملشدر .

ایتالیانک ایکنجی نوطه می

ایتالیا سفارتی مصلحتگذاری دون باب

عالیده صدر اعظم پاشای زیارت ایله طرابلس

مسئله می حقدده خلی مدت ملاقات ایتش

و مسئله مذکوره حقدده حکومت متبوعه .

سندن اخذ ایدلکی ایکنجی نوطه می صدر مشار

الیه تودیع ایشدر نوطه مالی اولکندن ،

دها شدتلی ایتش . بوننده دولت عثمانیه نلک

اشبو حادثه نلک وساطت دیلوماسیه ایله حای آرزو

ایدلکی تقدیرده خطه مذکوره به سکر و مهمات

حریبه سوقدن سر بعاصر قنطر ایدلسی تکلیف

ایدلمکده ایتش . صدر اعظم پاشا مذکور

نوطه می اخذ ایدر ایتز سرای هایونه عزیمتله

بالعموم وکلای سرایه دعوت ایش و سرای

هایونده مجلس وکلا انعقاد ایتشدر . مجلسه

اعیان رئیس سعید پاشا دخی جلب ایدلش

و کیچ وقته قدر دوام ایدن مذاکراتک

نتیجه سندن معلومات اخذی ممکن اوله مامشدر .

طرابلس غرب حوادثلری

طرابلس غرب ۲۷ ایلول — ایتالیانقعه می

مدیریتی طرفندن وقوع بولان دعوت

اوزرینه شهر مزده مقیم بر جوق ایتالیانلر

مذکور باقنه نلک تحت تصرفده بولان کی به

کیدرک کیجه می اوراده کیرمشلردر .